

22:1

וַיְהִי אַחֲרֵי הַדְּבָרִים הָאֵלֶּה וְהַאֱלֹהִים נִסּוּ אֶת־אַבְרָהָם וַיֹּאמֶר אֵלָיו אַבְרָהָם וַיֹּאמֶר
הַגִּנִּי:

22:2

וַיֹּאמֶר קַח־נָא אֶת־בְּנֶךָ אֶת־יְחִידְךָ אֲשֶׁר־אָהַבְתָּ אֶת־יִצְחָק וְלֶדְלֹךָ אֶל־אֶרֶץ הַמִּרְיָה
וְהַעֲלֵהוּ שָׁם לְעֹלָה עַל אֶחָד הַהָרִים אֲשֶׁר אָמַר אֱלֹהֶיךָ:

22:3

וַיִּשְׁכַּם אַבְרָהָם בַּבֶּקֶר וַיַּחֲבֵשׁ אֶת־חֲמֹרוֹ וַיִּקַּח אֶת־שְׁנֵי נְעָרָיו אִתּוֹ וְאֵת יִצְחָק בְּנֵוֹ
וַיִּבְקַע עֵצִי עֹלָה וַיִּקֶּם וַיֵּלֶךְ אֶל־הַמָּקוֹם אֲשֶׁר־אָמַר־לוֹ הָאֱלֹהִים:

22:4

בַּיּוֹם הַשְּׁלִישִׁי וַיִּשָּׂא אַבְרָהָם אֶת־עֵינָיו וַיֵּרָא אֶת־הַמָּקוֹם מֵרְחֹק:

22:5

וַיֹּאמֶר אַבְרָהָם אֶל־נְעָרָיו שְׁבוּ־לָכֶם פֹּה עִם־הַחֲמֹר וְאֲנִי וְהַנְּעָר גְּלָכָה עַד־כָּה
וְנִשְׁתַּחֲוֶה וְנִשְׁוֹבָה אֵלֵיכֶם:

22:6

וַיִּקַּח אַבְרָהָם אֶת־עֵצֵי הָעֹלָה וַיִּשֶׂם עַל־יִצְחָק בְּנֵוֹ וַיִּקַּח בְּיָדוֹ אֶת־הָאֵשׁ וְאֶת־
הַמֵּאֲבָלֹת וַיֵּלְכוּ שְׁנֵיהֶם יַחְדָּו:

22:7

וַיֹּאמֶר יִצְחָק אֶל־אֲבִרְהָם אָבִיו וַיֹּאמֶר אָבִי וַיֹּאמֶר הַנְּנִי בְנִי וַיֹּאמֶר הִנֵּה הָאֵשׁ וְהָעֵצִים
וַאֲיֵה הַשֶּׁה לְעֹלָה:

22:8

וַיֹּאמֶר אֲבִרְהָם אֱלֹהִים יִרְאֶה־לּוֹ הַשֶּׁה לְעֹלָה בְנִי וַיֵּלְכוּ שְׁנֵיהֶם יַחְדָּו:

22:9

וַיָּבֹאוּ אֶל־הַמָּקוֹם אֲשֶׁר אָמַר־לוֹ הָאֱלֹהִים וַיִּבֶן שָׁם אֲבִרְהָם אֶת־הַמִּזְבֵּחַ וַיַּעֲרֹךְ אֶת־
הָעֵצִים וַיַּעֲקֹד אֶת־יִצְחָק בְּנֹו וַיִּשֶׂם אֹתוֹ עַל־הַמִּזְבֵּחַ מִמַּעַל לְעֵצִים: 22:10 וַיִּשְׁלַח
אֲבִרְהָם אֶת־יָדוֹ וַיִּקַּח אֶת־הַמֶּאֱכָלֶת לְשַׁחֵט אֶת־בְּנֹו:

22:11

וַיִּקְרָא אֱלֹו מְלֹאָךְ יְהוָה מִן־הַשָּׁמַיִם וַיֹּאמֶר אֲבִרְהָם | אֲבִרְהָם וַיֹּאמֶר הַנְּנִי:

22:12

וַיֹּאמֶר אֶל־תִּשְׁלַח יָדְךָ אֶל־הַנְּעַר וְאֶל־תַּעֲשׂ לּוֹ מְאוּמָה כִּי | עַתָּה יָדַעְתִּי כִּי־יִרְאֶה
אֱלֹהִים אֶתָּה וְלֹא חֲשַׁכְתָּ אֶת־בְּנִיךָ אֶת־יַחֲדָךְ מִמֶּנִּי:

22:13

וַיִּשָּׂא אֲבִרְהָם אֶת־עֵינָיו וַיִּרְאֶה וְהִנֵּה־אֵיל אַחֵר נֹאֲחָז בְּסָבָךְ בְּקַרְנָיו וַיֵּלֶךְ אֲבִרְהָם וַיִּקַּח
אֶת־הָאֵיל וַיַּעֲלֵהוּ לְעֹלָה תַּחַת בְּנֹו:

22:14

וַיִּקְרָא אֲבִרְהָם שֵׁם־הַמָּקוֹם הַהוּא יְהוָה | יִרְאֶה אֲשֶׁר יֹאמֶר הַיּוֹם בְּהַר יְהוָה יִרְאֶה:

22:15

וַיִּקְרָא מֶלֶאךָּ יְהוָה אֶל־אַבְרָהָם שְׁנִית מִן־הַשָּׁמַיִם:

22:16

וַיֹּאמֶר בִּי נִשְׁבַּעְתִּי נְאֻם־יְהוָה כִּי יַעַן אֲשֶׁר עָשִׂיתָ אֶת־הַדָּבָר הַזֶּה וְלֹא חָשַׁכְתָּ אֶת־
בְּנִיךָ אֶת־יְחִידְךָ:

22:17

כִּי־בָרַךְ אֲבָרְכֶךָ וְהִרְבָּה אֲרֵבָה אֶת־זַרְעֶךָ כְּכּוֹכְבֵי הַשָּׁמַיִם וְכַחֹל אֲשֶׁר עַל־שֵׁפֶת הַיָּם
וַיִּרְשׁ זַרְעֶךָ אֶת שְׁעַר אֵיבָיו:

22:18

וְהִתְבָּרְכוּ בְּזַרְעֶךָ כָּל גּוֹי הָאָרֶץ עֲקֹב אֲשֶׁר שָׁמַעְתָּ בְּקֹלִי:

22:19

וַיָּשָׁב אַבְרָהָם אֶל־נְעָרָיו וַיִּקְמוּ וַיֵּלְכוּ יַחְדָּו אֶל־בְּאֵר שֶׁבַע וַיֵּשֶׁב אַבְרָהָם בְּבְאֵר שֶׁבַע:

פ